

上饒縣志卷之十五

古蹟志 坊表附

異代興思物因人重信州文物顯於南宋東軒西館勝蹟
遙傳碑殘碣斷過客流連賢喆遞生鴻泥爪跡後之視今
猶今視昔誌古蹟

上饒縣

周瑜故宅在縣治後舊半為察院分司今改為鐘樓天寧寺
半為縣學基御史桂榮松皋東野詩序云府城中東北隅
有萬松墩隆阜高圓土膏沃衍前左介兩學間舊傳為周

上饒縣志

古蹟
卷十四

瑜故宅周方少年與孫長沙結為兄弟娶喬公女時稱周
郎孫郎二子弱冠名冠江東以意氣功名相許牡丹亭寸
金橋錯峙宅後不可以想見其風流哉又云孫吳赤壁之
役召周瑜自鄱陽而信則其屬地云 通志

陸鴻漸宅在府城西北茶山廣教寺昔唐陸羽嘗居此號東
岡子刺史姚驥嘗詣所居鑿沼為溟渤之狀積石為嵩華
之形後隱士沈洪喬葺而居之 圖經羽性嗜茶環居有

茶園數畝陸羽泉一勺今為茶山寺 孟郊題陸鴻漸上

饒新開山舍詩驚彼武陵狀移歸此巖邊開亭擬貯雲鑿

石先得泉嘯竹引清吹吟花成新篇迺知高潔情擺落區
中緣 皇甫曾詩千峯待逋客香茗復叢生採摘知深處

烟霞羨獨行幽期山寺遠野飯石泉清寂寂燃燈夜相思

磬一聲 舊志

上饒亭唐張祐有詩溪亭拂一琴促軫坐披襟夜月水南寺

秋風城外砧早霜紅葉靜新雨碧潭深唯是壺中物憂來

且自斟 通志

北樓唐李郢有夏日登信州北樓詩云高樓上長望百里見

雲山雨歇河珠定雲開谷鳥還田苗映林合牛犢傍村閑

上饒縣志

古蹟 卷十四

二

始得銷憂處蟬聲催入關 通志

聞通寺唐曹松有題信州聞通寺僧砌下泉詩云細聲從嶠

足幽淡浸香堦此境未開日何人初見時耗痕延墨蘚淨

罅吐微澌應有喬梢鶴下來當飲之

全唐前詩增志

樓明道墓在邑北明谿遺碣猶存樓存於宋此其故居人因

沿稱樓村 新志

四望亭宋韓魏公有寄廣信軍四望亭詩曰西北雲高拂女

牆危亭虛豁望中長田間隄陌成新隰天外江山是舊疆

古道入秋漫黍稷遠陂乘晚下牛羊凭欄多少無言憾不

在歸鴻送夕陽又云有兄韓瑀者為廣信通判故有此寄

此亭今失其處前府志

回車館故址在郡城內又名饒陽驛宋王荆公晁太史皆有

詩今廢前府志

德生亭在城南景德寺門外祝聖畢於此放生因名宋淳祐

間知州章鑄重建今廢前府志

百花莊宋太守張良朋剏在上饒縣城外南山巔面直靈山

有溪山堂曾南豐所嘗遊歷地也通志前增

按前志據前府志載有會心堂舊名百花莊在府城西

上饒縣志古蹟 卷十四

三

門外宋章良用為郡時所建此云南山巔則西字當有

誤查秩官志中宋知州慶歷時有張鑄淳祐時有章鑄

良朋良用或係兩人之字歟抑張章音同朋用形似一

人而傳寫各異歟書以俟考前志

中和堂在府堂西宋紹興六年知州事趙彥勵所建前有廳

後有香遠亭今廢舊志前增

一杯亭在南屏山南臺左宋趙汝愚為郡守逾年政成惠洽

郡人建祠設像為之祝壽汝愚因觴客於中命撤其像戲

名曰一杯亭取且盡生前一杯酒何須身後千載名之意

明萬厯間郡守姚體信以山形如印易名曰印山亭尋仍
舊天啟間郡守蔣如奇建樂聖亭於左崇正間知縣董時
選復建一杯亭於右歲久俱廢惟存樂聖石亭 國朝順
治初參將康時昇重建康熙甲寅之變復無存至十九年
郡守曹鼎望上饒令馬之驥捐修郡守孫世昌重加丹雘
四十九年郡守朱維熊復葺有記旋圯嘉慶壬申年郡守
王賡言移建信江書院之東偏錢塘梁同書有跋 見藝前
文 志
南臺宋郡守忠定趙公所立故址在祥符寺今廢宋陳克齋
詩云萬里秋風約我曹俯觀闐闐總塵勞攀躋不藉遊山

上饒縣志 古蹟
卷十四

履身世從知本自高腳底雲山疊疊低面前一帶繞清溪
秋光總可供吟筆寫作登高第一題又陸放翁渡浮橋至
南臺詩云客中多病廢登臨聞說南臺試一尋九軌徐行
怒濤上千艘橫繫大江心寺樓鐘鼓催昏曉墟落雲烟自
古今白髮未除毫氣在醉吹橫笛坐榕陰 前府志及
放翁集增 志 前
跨鶴臺故址在城南祥符寺側其地高爽州境一望可徧陳
克齋詩云臺據高峯最上頭登臨人世一浮漚塵囂到此
都忘盡直欲乘風跨鶴遊 通 志

按明一統志宋知州王自中得白鶴菴故址築臺臨之

故名

蒼筤亭龍圖學士韓元吉自穎川徙居上饒宅前有澗水故

號南澗澗南有園築亭號蒼筤

通志

望靈山堂在城南一里宋韓元吉建

舊志

鄰幾堂在信義坊舊司法廳宋江鄰幾為司法時所建教授

林至有記今廢

通志

清樾軒在縣北廣教寺宋曾文清幾所居詩云開軒在獨園

繞屋得清樾不知何年樹殆為今日設窗扉落林影時復

亂風月喧聲了不聞幽弄極可悅玉溪僧所廬無似許明

上饒縣志

古蹟 卷十四

五

潔頗疑三昧手斷取從三浙禪房花木深此語信佳絕何

以落其成爐烹薦茗雪

通志原作曾逮詩 今據茶山集改正

前志

東軒在茶山廣教寺曾文清東軒小室卽事五首其一云卷

書坐東軒有竹甚魁偉清風過其間戛戛鳴不已寫之以

素琴音節淡如水不惜為人彈臨流須洗耳又盛夏東軒

獨成云因病不舉酒況當朱明天客至但茗椀談詩復談

禪甘寒百尺井舊日陸子泉安得僧舍雪霏微溼茶烟

山茶

集前 增志

松風亭在城北廣教寺宋曾文清幾得喬松十餘四合而中

空其下可坐故各有詩四首云長卿壁四立杜老茅三重
茶山窮次骨憩息以長松直幹似棟宇清陰自斡嶮山泉
落高處審廳是松風 客至引幽步步及松風亭問亭何
當作笑視何足聽俗論闕蛙黽而聲殷雷霆時來一洗耳
兩眼爲君青 有客過茅宇煮茶坐松風問亭果安在笑
指十八公君看梁與棟豈不深且雄何必用斧斤然後成
斡嶮 回環數株松老幹極落落清風一披拂竿籟自然
作喧囂世俗事祇使人意惡誰能洗耳來相與憩寂寞

前志合茶山集增志

上饒縣志 古蹟 卷十四

橫碧軒今廢曾文清幾嘗居孔雀僧院東廡小室榜曰橫碧
軒有諸公酬唱之作幾詩云遊宦心已灰但有愛山癖移
家過溪任政爲數峯碧空濛梅子雨了不見顏色朝來忽
獻狀欣若對佳客晴牕卷書坐葱翠長在側似爲神所憐
持用慰岑寂會登此山頭卻望水南北烟樹有無間吾廬
應可識魯起元詩云嵐光懸座蒼翠溼寺影拂波金碧寒
前府志合前茶山集增志
香寂圃在茶山西曾文清云坡陀茶山西草樹無空空呼兒
鋤其荒花木亂栽種葩華以時拆薊澤得風送直成摩詰

病幻出天女供游人等蜂蟻晴日競喧哄靈堅不自持玉
隴紛一鬪誰知根塵間境界極空洞誠能返其流當見寂
不動花飛已無蹤香過忽如夢于焉自聞聞爾乃得大用

茶山 前
集贈 志

曾文清竹在茶山寺曾文清幾所植詳見韓元吉兩賢堂記

今尚茂密 據兩賢 前
堂記增 志

快哉亭宋曾文清幾日上饒方君小倅官而不婚宦居偏戶
間靜無官宦之事舍後梯城而上卽棚爲亭盡得溪山之
勝名之曰快哉爲作四小詩以快哉此風爲韻簿書苦沈

上饒縣志

古蹟
卷十四

七

迷世俗嗟迫隘不如溪山上風至取一快掾曹官事了載
取麪生來得酒且歡喜俗氛安在哉從容吏隱間游戲僧
舍裏孤月浪中翻吾心正如此偏仄何偏仄官居塵土中

高城與隔盡惟有此溪風

茶山 前
集增 志

留客亭宋上饒尉曾逮建茶山集云逮子作亭於官舍明清
堂後種竹殆千竿余名其亭以留客取老杜竹深留客處
之句因題二小詩云行到竹窮處有亭佳可遊境因吾子
勝客爲此君留口淨經時雨蕭梢六月秋豈無他草樹涇
渭不同流 種竹無他事林間與客遊自應攜手入安用

閉門雷靜可過僧夏清宜對弈秋衰翁九節杖來往亦風

流 茶山 前
集增 志

西清桂宋上饒尉曾逮手植於廳後人懷其德名之曰西清

桂 通
志

按前條官舍有明清堂西清或係明清之誤或明清應

作西清存以待考

前
志

友直軒在溪南太霞宮諫議大夫尹穡所居曾文清為之名
而賦詩云友誼喪來久琢磨復誰能金鈞被采綠絕棄朱
絲繩直哉少稷甫一室清於冰危坐對書帙曲几非所凭

上饒縣志

古蹟
卷十四

八

日暮無人來疎籬上寒藤惟有手種竹挺然得其朋風低
與雪重搶地如弗勝正使可斷折天姿諒難凌物或亂直
麋君其別淄澠攘羊而證父是子烏足稱所以貴濫潤不
令見觚稜要我細商畧此言有師承

通
志

竹院在城南一里宋淳熙間宏文閣直學士晁謙之所居今

廢 前府
志

靈山亭在祥符寺宋晁謙之詩寶刹千尋出天外靈山三面
落樽前又徐師川詩云遊客乍驚人外境居僧初識面前

山 通
志

面山堂在上饒治內宋時建晁謙之詩曰誰榜鈴齋作面山
晦明終日捲簾看賦成夜燭纔銷寸衙退朝曦未半竿通志

翠微樓在縣治南宋慶元間知州趙伯瓚所建今廢前府志

南池舊志在城南相傳為州學之泮池廣一里許有菱蓮可

愛宋起居舍人王洋曾逮通判趙不慳趙善扛嘗築以居

有古亭新亭荷池南峯半僧寮小村諸號品題甚富曾文

清咏南池詩云衡門久棲遲永日孰與儔既絕車馬喧遂

適林塘幽荷香因雨來水鳥鳴相酬虛懷睨物表可以觀

天遊古來英雄人何異貉一邱茫然不知歸沒世隨波流

上饒縣志 古蹟 卷十四

又五月六日為叢珍之集於南池呈座中諸公詩云今日

攜壺地南池信杖行紅蕖爭入眼白鷺最關情待得跳珠

雨來聽打葉聲菰蒲最深處只欠小舟橫前府志合前茶山集增志

按輟耕錄曰宋季城信州掘土處為濠百畝許在郡城

南曰南池池之旁可居舊為里人屋歸附後達魯花赤

滅撤據有其地每春夏之交羣蛙聒耳寢食不安今三

十八代天師張廣微朝京回因以朱書符篆於新瓦上

使人投池中戒之曰汝蛙勿再喧自是至今寂然據此

則前志傳聞當有誤州學雖大斷無廣一里許之泮池

惟云作城掘土殊爲有理陶宗儀爲元遺民說必有本
故備錄之前志

至樂齋宋周舜元寓居之所呂居仁詩曰人生各有樂所樂
固不同吹竽與擊缶同在可樂中孰能識至樂不計窮與
通顏子在陋巷肯憂家屢空朝隨聖師遊暮歸無近功忽
然若有合此樂固無窮當時二三子因之開蔽蒙君生百
世下久已聞其風端居有遐想客至聊從容四壁倚蓬蒿
萬卷蟠心胃回視世所求失道迷西東此樂既不遠欲往
吾其從通志

上饒縣志 古蹟 卷十四

十

樂齋宋王巖起建曾文清詩云歡棕挽不來愁思推不去達
人方寸地固自有樂處得非山林歟或用詩酒故一朝不
在眼便覺少佳趣人口顏子樂瓢飲映蔬茹何曾夢見渠
浪自起欣慕此君與天遊於物初不寓攜持小齋名扁榜
隨所遇要知□□事未省離跬步我亦欲踰顏從君尙能

屢茶山前集增志

尙論軒宋周陸寓居之所今廢前府志

一樂堂在古梁宋徐安國建朱晦翁書扁張軒軒撰記後棗
桼居之寶祐間因罹火災子姪皆貧謝疊山醵資重建有

疏據徐氏前家譜增志

徐梅堃宅在永樂鄉周村夏東巖鳴雞峯有詩前府志

思默堂宋徐元杰夢神人繫一黑犬過堂下初未知何祥是歲登第文有默思默通云者主司以為神語乃悟默字為

黑犬也元時其孫子奇建堂以志之韓性有記通志

梅堃在城北茶山宋徐元杰以直道勁節不容當路退居故

里慕呂曾諸公之風築梅堃於此以致高山仰止之意據明

黃溥五賢前堂記增志

禪月臺宋洪邁信州禪月臺上詩云玉峯點寥廓霄漢疑可

上饒縣志古蹟卷十四

梯玉水環城陰澹澹方拍堤層臺擅二美吾策一時攜何

當蠟吾履更欲照以犀塵勞不見赦竟類窮途迷我生塵

鹿爾不羨駕輅驪向來邱壑懷發語人所譏長安黑頭公

玉勒朝金閨山林出戲言廣已無端倪誰收遮日手歸抱

耕雨犁紛紛塵土中等是舞甕雞頗聞山水間幽子飯藿

藜行當踐此語絕境同攀躋通志

按唐詩僧貫休號禪月大師臺及景德寺禪月院皆以

休得名休謁錢塘吳越王不肯改四十州之句因而入

蜀中間必遊寓上饒故青瑣後集有改王貞白御溝詩

事又周輝清波雜誌載輝遊上饒見貫休所畫十六羅漢像世傳有三本獨此本為真則臺之作非無因矣特

記載失傳故附誌之前志

山齋在治東初置州時已有宋淳熙間通判鄒洪粹重葺

今廢前府志

寓屋故址在郡城宋吏部侍郎鄭望之所居龍溪汪內翰記

今廢前府志

壽前志誤松白雲洞鄭望之弟吏部侍郎資之居溪南時所

各故址在今山川壇王右史有詩前府志

上饒縣志 古蹟 卷十四

玉溪館卽和義館淳祐六年知州事章鑄重修址在城信美

坊今廢前府志

西山堂在中和堂西北宋嘉泰四年知州孟猷建 國朝康

熙壬寅郡守蔡廷輔卽其故址建來青亭至己酉郡守高

夢說復加修葺仍扁曰古西山堂後郡守朱維熊扁曰環

翠亭已而郡守周鎰元復額之曰西山堂今廢舊志前志

東館西館故址在城門外乃仁智二亭舊基後宋知州錢象

祖扁東館為明暉閣孟猷扁西館為橫碧軒今廢前府志

稼軒宋洪景盧記國家行在武林廣信州密邇畿輔東舟西

車螯午旁出處勢便近士大夫樂寄焉環城中外買宅且百數基局不能寬亦曰避寒溼燥暑而已郡治之北可十里所故有曠土存三面傅城前枕澄湖如寶帶其縱千有二百三十尺其衡八百有三十尺截然砥平可廬以居則稼軒在信郡之北矣又云東岡西阜北墅南麓以青徑欵竹扉錦路行海棠集山有樓婆娑有堂信步有亭滌研有渚皆約略位置規歲月緒成此皆蕪沒一統志廼云在鉛山縣南二里抑另有考乎

前府志

按記中可十里所前志作里許今據前府志改

前志

上饒縣志

古蹟 卷十四

仁智亭在城南門外面溪背城左右有亭曰仁智今廢宋王

寧有記

前府志

石人廟有錢庫焉高丈餘廣八尺許四周皆甃以甗成八角形其東北隅有小碑一方係宋寶祐新元季秋朔立原在山門內於明萬曆三十四年丙午六月因起造外殿徙於

門外庫東亭西相向列

新 增

天恩堂在古梁周村周氏祖居也相傳宋帝避元兵間道入閩寓是堂因命書天恩堂三字御記其事今堂尚存明吳

康齋有記

見 前 志

劉氏義門在安輯鄉葛源元延祐間編修劉光分田以贍書

院析財以周族里朝廷義之旌其門前府志

菊莊本邑鄭氏所居元揭傒斯詩上饒多隱者鄭氏善為方

移居倪陽里種菊今成莊通志前增志

故縣基在城西北天津橋之原元末兵燬今為社稷壇前府志

善人齋明徐觀道乞歸陛辭帝稱之曰善人因以名其齋今

廢前府志

思樂亭在縣學明永樂間知縣趙景純建今廢舊志

迎賓樓在城南明天順間知府金銑同知蔣益建宏治八年

上饒縣志古蹟 卷十四 古

郡守王塘改為皇華亭歲久亭廢王慎中詩誰識悠悠意

寒流對寂寥閉禽遵水曲過棹入風謠細雨青山映繁霜

赤岸澗門前來往路坐使歲時銷前府志

化雨亭在府學知府金銑同知蔣益建今廢前府志增志

燕喜亭在府學知府金銑同知蔣益建今廢前府志增志

信美亭在府城南成化間建尋廢以其地建靈雨祠今亦毀

址存郡守談綱記見藝前文志

含輝閣在城外溪南谷神山萬曆乙亥郡守姚體信建今廢

前府志

砥柱亭在沙溪明大學士費宏詩中流孤嶼湧雲根山著危
亭勢更尊吹斷海風非蜃市鑿開河岸起龍門名高砥柱
新題烏釣喜苔磯舊有痕地主多情於我厚吟詩還擬到

江村舊志

寶澤樓在城西大平坊明嘉靖甲午爲大學士夏言勅建其
下爲忠禮書院卽今大工廠戴九元詩并序世宗爲故學
士夏文愍公建堂名瑀恩樓曰寶澤碑勒宸翰數十年中
有定郊社儀及答文愍農桑疏詔伏讀有感丞相祠堂古
信州衣冠遺像肅清修九重雨露瑀恩第千載江山寶澤

上饒縣志

古蹟
卷十四

五

樓郊廟大謨同日麗農桑溫諭自天酬可憐魚水君臣際
中道風波不自由舊志

白鷗園在城西泰安坊明嘉靖癸卯大學士夏言建臺榭竹
木甚盛中有賜閣堂望宸樓環翠亭水雲軒明月榭濯纓
處環漪亭八角塘蓬萊小閣晚節亭醉春臺宮恩莊停橈

處前府志合前
桂洲集增志

快哉樓在周村明吳與弼題壁詩云縱步南來樂勝遊主賓
款洽去還留一層更上怡情久醉後高歌月半樓夏尚樸
次韻云青山曾屬聘君遊妙墨端爲萬古雷愧我未能追

遠躡春風也得一登樓舊志

狀元亭在城西烏龜山明嘉靖壬寅少師夏言知府吳希孟

建為餞送鄉試之地聯曰讖語春濤打龜背臚傳曉日占

鼇頭又桂近菴聯曰萬里桂秋飛玉兔一川桃浪起金龍

後郡守林光祖別建山堂於麓而移其亭於內山之右同

知寥文光改山名為五桂而鐫三大字於水滸萬歷間知

縣王炳璿扁其堂曰叢桂分守湖東道尚德恆建石坊於

水口扁曰聚奎文麓尋為風僕亭廢址存前府志

樂歲樓在溪南谷神山靈雨祠側嘉靖間郡守吳希孟禱雨

上饒縣志古蹟 卷十四

有應因建樓作詩記其事今廢前府志

集勝園一名冰山雪洞在城西太平坊天津橋畔明光祿署

丞吳萊建知縣王炳璿題扁今廢中有洞壑池梁多奇石

不類地產應自遠方輦至者今無主守日就傾廢往往為

有力者昇去視其大梁猶可想見風景云前府志

按吳萊為夏文愍之甥見桂洲文集前志

鄭宅塘在邑北十一都明鄭遜齋故宅遺址距宅三里有花

巖甚幽異即遜齋讀書處新志

表忠閣在府城外溪南謝疊山祠前萬歷知府孫從龍建通志

大忠臺在城外溪南謝文節祠後臺據山巔登眺則邑境可

遍萬歷間郡守孫從龍建今廢通志

石山書舍在城西泰定坊明石山公方崙講學處也邑人少

卿鄭邦福為賦石山十景其一獨坐茆堂枕石山門開畫

艇見來還宛然一幅烟波景置我洞庭青草間前府志

洗墨池在郡城南祥符寺相傳昔有道人洗硯於此其水常

黑遂名郡守王翰詩靜觀魚躍波文皴彷彿松烟在硯池

前府志

觀泉亭在茶山寺明大學士何吾騶記見藝前志

上饒縣志 古蹟 卷十四

去思亭在東門城內為知府沈陽立楊時喬記見藝前志

永思亭在安輯鄉靈山水晶嶺署丞王道建御史桂榮記舊志

白鶴樓在縣治溪南北面靈山下臨葛水登眺勝地明季圯

於水 國朝順治庚子知縣程汝璞重建扁曰碧天過影

後有呂仙祠莆田劉雪集唐句云鶴巢松樹徧夜久數星

流野逕無來客鄉山不入樓遠天垂地外片月到床頭白

髮終難變營營何所求又邑文學嚴敬詩云碧天虛過影

仙本好樓居舊事傳虬筆新烟學篆書僧常枯示疾客每

飽看魚記得孫公賦人人說遂初方起鵬詩云懶將點石

誤時流葛水樓空草滿邱攜去青蛇鏃映月乘風再醉洞

庭秋今廢前府前

志增 志

清華軒在翠微樓右郡守周鎰元扁取謝叔源詩水木湛清

華意軒後鑿小池甃石累山構小椽亭於上顏曰一笠有

古桂修竹相映帶幽致可人今廢舊志

志

慕歐舫在翠微樓北郡守周鎰元改葺顏以斯名蓋做歐陽

文忠畫舫齋制舊志 通

增 志

龍潭奎文塔在城西五里開化鄉古有篆書龍潭二大字鐫

於石壁明萬厯間建塔名見龍尋圯僅存二級 國朝嘉

上饒縣志 古蹟 卷十四

六

慶十九年郡守王賡言率同通判汪正修上饒知縣賴勳

重建五級上層祀 梓潼帝君神像易各奎文均有記下

構塔院數楹中有純陽樓惠濟夫人祠蒼頡祠惜字爐觀

水亭諸勝一時題詠甚富採信江前

志增 志

文星塔宜列此因前志誤入學

校門已詳載茲不贅

新增

七龜亭在察院司前內有石碑七座負碑有龜七因名今廢

舊 志

襲芳齋在郡宅據輿地

紀勝增

浮香亭在郡宅據輿地

紀勝增

淨芳亭在郡宅

據輿地紀勝增

宣化堂在郡宅

據輿地紀勝增

覽悟齋在郡宅

據輿地紀勝增

愛山堂在郡宅

據輿地紀勝增

一覽堂在郡宅

據輿地紀勝增

攷宣化堂覽悟齋浮香亭舊府志亦載之

蝦蟆石在城北十六都距沙洲五里許其石形似蝦蟆過此

卽饒州德興縣所轄地

鄭相國大門在城東六十入都五里淤明宰相鄭以偉治第

上饒縣志

古蹟卷十四

五

宅於此

國初廬舍邱墟惟一石門屹然曠野土人誤以物擊之輒譖

言頭痛焚香禮叩然後止說者謂相國精靈二百餘年尤

有鬼神呵護云

廿二都西山祠堂前月池內有二石高約四尺長可九尺許

色青紫其紋若魚鱗成雙鯉狀見於秋冬水落時

以上俱新增

坊表附

宋

狀元坊爲侍郎徐元杰立

豐財坊爲徐元杰立

耆德坊爲侍郎鄭望之立

明

狀元坊爲大學士費宏立今毀

會元坊爲大宗伯汪俊立今毀

解元坊爲都憲汪潮立今毀

雙進士坊爲知府蔣澐行人蔣蕃立今毀

豸史坊爲寺丞汪淵立今毀

司諫坊爲給事王讓立

上饒縣志

坊表附
卷十四

二十

世臣坊爲知府李應庚李直僉事李祚立燬於火

騰蛟坊在府學前進士題名今毀

起鳳坊在府學前鄉舉題名今毀

進士坊爲方伯婁謙立今毀

大方伯坊爲婁謙立今毀

世科坊爲蔣欽蔣澐蔣蕃立今毀

俊章坊在羊石里爲成化丙午舉人葉旭立

恩榮坊在忠禮書院前左爲大學士夏言立

世科坊在羊石里爲成化丙午舉人葉旭宏治乙丑進士葉

鶴嘉靖辛丑進士葉鏜嘉靖癸卯舉人葉鈞萬曆癸卯舉人葉熙囊知縣葉鍼葉濟英同知葉熙裳祖父子孫立

殊錫坊在忠禮書院前右為大學士夏言立

絲綸特召坊在忠禮書院後左為大學士夏言立

明興俊父坊在縣學前題名今毀

袞繡畫榮坊在忠禮書院後右為大學士夏言立

清朝舊學坊為大學士鄭以偉立今毀

貞節坊在東隅為官生楊德潤妻徐氏立

貞節坊在西隅阜民坊為馬大紀妻舒氏立今毀

上饒縣志

坊表附
卷十四

三

人瑞坊在南隅下墘為楊伯瑛楊伯琮兄弟百歲立今毀

節婦坊在永樂鄉為王綵妻毛氏立

恩榮節婦坊在石橋鄉為周璉妻葉氏立

皇清

節婦坊四

一在太定坊官倉埤為徐日哲妻葉氏立

一在沙溪為余珪妻尤氏立

一在縣城隍廟前為紀其年妻管氏立

一在縣東十里為舒國鈞妻徐氏立

貞烈坊在靈溪二都爲張廷鉅妻王氏立

貞節坊二

一在西隅更樓底下爲汪燿妻鄭氏立

一在六十二都劉家塢爲武庠徐榮封妻汪氏立

節孝坊十九

一在城北狀元坊爲鄭飛鶚妻羅氏立

一在十三都周村爲周作楫妻徐氏立

一在六十二都劉家塢爲汪福遠妻劉氏立

一在三十四都尤壠坑爲盧澍妻陳氏

上饒縣志

坊表附
卷十四

三

一在鉛山廿一都北斗寺右爲程大燦妻徐氏立

一在入都爲徐熊飛妻丁氏立

一在四十三都爲鄭文滄妻周氏立

一在城內學廠門道光十一年爲儒士余錫喆妻游氏立

一在北隅牌樓底道光甲辰年爲儒士樓邦耀妻鄭氏立

一在西隅更樓底下爲儒士趙秉鑑妻吳氏立

一在五十四都六堡爲周鳴鸞妻侯氏立

一在五十四都十堡古鄉塢道光十一年爲儒士鄭士衡

妻周氏立

一在五十四都塢上後門山咸豐元年爲邑庠生鄭之藩
妻周氏立

一在五十四都沙田墩橋頭道光戊戌年爲監生姚廷琬
妻吳氏立

一在五十四都十堡爲監生黃希鏞妻楊氏立

一在五十四都大石埠道光庚子年爲監生楊永琚妻鄭
氏立

一在四十五都上瀘阪爲邑庠生余之燿妻鄭氏立

一在六十一都皂頭爲謝繼祖妻傅氏立

上饒縣志

坊表附
卷十四

三

一在邑北五都東汪同治二年爲張廷璽妻盧氏立

節孝總坊二

一在東門外道光廿六年爲玉山縣儒童李士英妻羅氏

廣豐縣儒童劉應兆妻俞氏玉山縣儒童毛日淮妻李

氏等立

一在楊家石橋道光三十年爲上饒縣廩生張天樞妻鄭

氏上饒縣儒童張維耿妻繆氏弋陽縣儒士黃茂春妻

徐氏弋陽縣儒士黃柱妻方氏廣豐縣字儒童周兆挺

爲妻已故貞女傅氏等立

彙建節孝總坊在東門內諸節婦姓氏備列節孝

人瑞坊二

一在五十五都何家道光二十一年爲民人吳肇階百歲立

一在東門外丁家洲下毛墩爲應福金妻姚氏百歲立

上饒縣志 坊表附 卷十四

七

